

mit gerichtten ungerichtten lehenen dinsten tinsen sehen diken wateren watergengen vischkeryen holteren jachten ackeren wesen wesewassen weiden driften wusten veltmarken dorperen beseth und wuste und alle ander tobehoringe, inmaten wy upgenanten Hermannus abd convent und closter to Berghe betteher gennersiden dem dorpe Gerwisch gehad hebben neyns uthgenomen, den genanten unses gnedigen heren erzbischofes Frederikes siner nakommen und stiftes to Magdeborch to ewigen tiden sien, van sinen gnaden sinen nakommen und stifte to lehne ruren nnd gan scal die sulven gudere, in maten boven uthgedrucket ist, die genanten Tresskouwen in vorbath van dem mergenanten unsem gnedigen heren erzbischope Frederiken und sinen nakommen to menliken lehne entfanghen hebben holden und besitten scalen, inmaten sie den upgerurden hoff und dorp Pechow mit den upgerurden tobehoringen van den velegenanten unsem gnedigen heren erzbischope Frederiken to manlehne gehad und beseten hebben und die upgenanten er Arnd und Henrik Tresskow brudere und Rudiger Hans Wiprecht und Arnd Tresskow ok brudere vorlaten dem vorbenomeden unsem gnedigen heren erzbischope Frederike den upgerurden hoff und dorp Pechow met aller tobehoringe inmaten ovene clarlick uthgedrucket ist tredende ave und vortierende sik der und alles rechtes dat sie betteher daran gehad hebben und en und oren erven gehören wo dat gesien und tokomen mochte gentzliken in crafft ores brives derhalven und darover gegeben, und dat der velgenante unse gnedige here erzbischope Frederick na ersukinge unser upgnanten Hermannus abdes priors und conventes des closters to Berghe und ern Arndes Tresskow domprowests siner brodere und vetteren und vorleginge des upgerurden wissels sulken wissel inmaten ovene uthgedrucket ist mit sinen capittel gungafftich overwogen und overmerket und darinne erkand het dat der sinen gnaden und sinem stifte to donde und die ummewisselinge der upgerurden gudere uns den parthien beiderside gelegelik nutlik und bequemest sy, dar umme und ock flitliker getruwer dinsten willen die wy gnanten abd convent und die upgenanten er Arnd Treskow sine brodere und vetteren sinen gnaden und stiften gedan hebben und vorbat don mogen, het sine gnade mit weten willen und vulbort sines capittels to Magdeborch sulken upgerurden wissel in aller mate alze dar ovene uthgedrucket ist angenomen gewillet und gevulbordet und den upgerurden hoff und dorp to Pechow mit siner tobehoringe gerichtten ungerichtten rechten lehenen tinsen pechten schaten dinsten ackeren wesen wesewassen watern watergengen vischeryen holteren jachten weiden driften und sunderliken den groten sehe mit allen andern wateren darsulves in dem holte der groten holtmarcke darsulves, darin die holtmarcken geheiten die how, Hans Arndes bleck und die twintich rode gerekent sint mit aller tobehoringe, eyn fleck geheiten dat olde dorp, der Pechower merwische, Henning Albrechtes wische und holtbleck, den drien kavelen, den brummekerhorne, eyn holtbleck dat Erasmus Markendorp itzund het, den grasebleken die die von Nedelitz ytzund